

佛日普照慧辨楚石禪師語錄卷第十五 岬九

侍 者 文 式 編

偈頌

示華嚴會諸友八首

正覺山前大雪中明星夜照普天紅慈尊正

一九

眼旣打失覺苑從頭談脫空要與古今爲榜  
樣直教凡聖絕羅籠依然廣大門庭在豈假  
潛鞭密煉功

大千經卷在微塵剖出還他過量人無始衆

生盡成佛本來大果不離因漚生漚減重重

海花落花開樹樹春可信入荒田不揀橫拈

倒用總奇珍

開題七字甚分明早隔西天十萬程未展霞

條先領會何勞玉軸更施呈花枝采采分紅  
白溪水條條間濁清觸目無非真法界都收

有識與無情

騎聲蓋色大毗盧可惜男兒不丈夫枉去藍  
田尋美玉誰知布袋裏真珠口頭豈假多言  
說經裡元來一字無拋却殘羹與餽飯趙州

東壁掛葫蘆

於剎那時覺道成了無一法可留情十方法  
界從心現大地山河似掌平鐵樹枝頭紅果  
熟泥牛領下白毛生分明指出通天路南北  
西東自在行

知識門庭五十三一針鋒上悉包含心能契  
理無難事脚不沾塵是徧參谷口黃鸝聲哩  
咤簷頭紫燕語呢喃玄門畢竟如何入向道

西川出漏籃

彌勒殷勤慰善財一聲彈指閻門開身心俱  
向此時捨境界却從何處來皎皎青天飛霹

靈茫茫白晝輒塵埃看他無手人揮袂石上  
蓮花取性哉

文字雖多義一般衆生骨髓佛心肝何勞經  
卷開時讀但就香煙起處看俊鶴常思空外  
翥癡蠅只向紙中鑽直饒講得天花墜不達  
一  
斯宗盡自謾

送僧入蜀四首

西川五十四軍州滿目風光爛不收一笠一

包行腳去好山好水任君游昔年大士居昭  
覺今日何人接勝流道路八千如咫尺還同  
自己屋簷頭

去去峨眉禮普賢莫教錯認妬羅綿華嚴會

上咨參在妙德空中主伴圓側耳但聞菩薩

現回身仍見象王旋區區不用從他覓密意  
分明在汝邊

此行須到大隋家照顧潭中鼈鼻蛇十箇五  
雙俱蹉過一千七百謾周遮悟來大地山河  
窄迷去他鄉道路賒纔有纖毫須剗却免教  
人道摘楊花

嘉州大像接青雲猶是如來小小身正體虛  
空包不盡衆生肉眼見何因有緣處處逢彌勒  
無語琅琅轉法輪合掌低頭三拜起方知

全假卽全真

送僧之廬山

簡寂觀中甜苦笋歸宗寺裡淡鹹虀廬山面

二九  
目分明露衲子身心特地迷秋到樹頭黃葉  
落夜深峰頂白猿啼參禪若也求玄妙十萬

三  
流沙更在西

寄雙林東溟

門推拍板付禪翁衣鉢長留覩史宮擣樹兩

株爲佛事竹篦三尺展神通泥牛嶺上吞黃犢石虎山前咬大蟲我有家書無處寄金刀剪破太虛空

猛火結寒冰

寄聖壽千嚴

伏龍山上老頭陀轉覺無明業識多堪笑古人施棒喝却成平地起干戈傳來一道聰明咒寫出平生快活歌謝事等常懶開口聽他

石臼念摩訶

悼焦山道元

我在錢塘住兩年幾回同買過湖船張家寺裡春方半楊子江頭月屢圓只望先師公案了皆稱寂照子孫賢誰知轉眼成千古淚灑

伽陀唱和篇

悼江心石室

幾年石室老師兄今日胡爲喚不磨八萬塵

勞空蕩蕩三千刹海冷澄澄摧殘世上無根樹撲滅人間不夜燈未後光明難蓋覆紅爐

猛火結寒冰

賀徑山永首座

摩訶衍法若爲宣五髻崢嶸高挿天一喝虛

空成粉碎重提佛祖舊因緣分明劍向眉間掛豈待飄從地上旋彈壓滿堂龍象衆方知

法社有英賢

示僧四首

不是風兮不是幡祖師一擊破重關自心又把心來認無手重將手去拔金屑徒勞增翳膜劍峰直下斬癡頑可憐滯句承言者也道尋常語默聞

不是幡兮不是風癡人特地受羅籠張良謾立安邦計李靖休誇研陣功十影神駒猶礙

道九苞祥鳳不離空如今要識曹溪旨舉足  
西行却向東

一切衆生有佛性如何狗子獨言無趙州善  
用吹毛剝衲子全拋待鬼株門外雪深人跡

少渡頭風緊浪花麤當陽若更求玄解笑倒

四九

西天碧眼胡

一切衆生無佛性觸體箇箇有龍吟東平解  
撲鴻山鏡龐老曾彈馬祖琴曠劫本來無背

面古人真箇好知音癡兒也道忘言路平地

翻爲荆棘林

答浮慈和尚韻送藏主三首

一氣轉一大藏教却來北斗裏藏身撥開猛烈紅爐焰拈出清涼白月輪覩面相呈全體露到頭不出此心真宗師有語皆超卓多少

拈鉢舐指人

五九

一氣轉一大藏教塵毛刹海現全身洞明白  
性無生理能轉如來正法輪三句劈開玄與  
要兩頭坐斷僞和真狂機大似藍田石誤殺  
彎弓射虎人

一氣轉一大藏教金毛獅子解翻身聖凡頓  
現高臺鏡魔外橫飛熱鐵輪纔涉語言皆是  
妄但隨聲色便乖真如今却憶長汀老十字  
街頭等箇人

宗鏡錄華嚴十種無礙成十偈示僧

一理事無礙

真性皆同刹相殊廓然清淨大毗盧香披齒  
首千重葉影現摩尼五色珠法界森羅元不  
有宗乘舉唱亦非無憑君更莫論心境荆棘

從來是坦途

二成壞無礙

空中佛國壞還成水面漚花滅又生體用何  
須論彼此根塵不必較虧盈三千刹土隨心  
變二八蟾光逐候明古往今來手翻覆黃河  
知是幾回清

三廣狹無礙

廣狹須知不滯形聖凡迷悟在心靈諸般水  
入方圓器一等空隨大小瓶菩薩天人依法  
界修羅蚊蚋飲滄溟自來平等真如體就急  
移寬也只寧

四一多無礙

十虛捏聚一毫頭百億毫頭剝海周習習和  
風薰草木茫茫大海攝川流絲絲直把明珠  
貫金像都將寶鏡收細看目前相入處盡歸  
方寸莫他求

五相即無礙

曲折皆能一一隨窮幽極渺固委移纖毫蜜  
滴蜂吞處九曲珠穿蟻度時芥子孔中藏大  
海藕絲竅裏著須彌燎原起自如螢火智者  
猶因取喻知

七隱顯無礙

千差萬別任縱然不落高低染淨邊聖處即  
凡凡即聖圓時能缺缺時圓節文竝似初生  
笋因果渾如未剖蓮但屬自心非外境陰晴  
同是本來天

八重現無礙

萬法圓成一念中衆生世界盡牢籠光明大  
小珠相似赤白青黃色不同畢竟未知何處  
起如今方信本來空平常一句如何會日出

西方夜落東

六微細無碍

一塵一刹一如來刹刹塵靡不該帝釋殿  
前珠作網梵王宮裏鏡臨臺風休巨浸星辰  
入日照芳池菡萏開包裹虛空只這是靈明  
廓徹信奇哉

九主伴無礙

大華藏海舍那身眷屬莊嚴處處真列宿光  
明瞻玉兔諸王富貴屬金輪江河浪動無非  
水草木花開總是春一念十波羅蜜滿此中  
誰我復誰人

十三世無礙

水中葫蘆捺得沈非來非去亦非今空花亂  
落隨流水石筍新抽出遠林休把此言論妙  
道待將何物比真心永明老子輕饒舌輸我

西窓茗椀深

澄靈散聖山居偈如寶藏主求和

因僧問我西來意我話山居是幾年佛祖位  
中休著脚凡愚社裏且隨肩三間屋子藏山  
塢萬樹松花照石泉曠大劫來無改變阿難  
依舊世尊前

寄天童孚中和尚

長庚峰頂白雲間捧劄西來笑展顏幾疊巖  
巒圍丈室萬株松樹繞禪關當年金碧誰將  
去今日天龍合送還老我恰如窺豹者管中  
時復見斑斑

寄大慈晦谷和尚

靈巖又復轉花巖數到慈雲恰好三我望鄉  
關千里隔君將佛法一肩擔金毛踞地誰能  
近玉塵生風不倦談握手未知何處是晚天

涼月出東南

四料揀

奪人不奪境三竿曉日千門靜桃花樹樹近

前池不見佳人來照影

奪境不奪人玉鞭金鐙賞殘春千紅萬紫歸

何處驀地風來卷作塵

人境兩俱奪漠漠長蛇圍偃月誰敢當頭犯

太阿直斂萬里人蹤絕

人境俱不奪上下四維春似潑聖主垂衣日

月明將軍放馬乾坤濶

總頌

一具枯骨成牙齒兩片薄皮爲耳朵昨夜三

更失却半天明起來失却火

四賓主

賓中賓魚目將爲無價珍瞎眼波斯來打合

一般病痛一般貧

賓中主東西不辨喃喃語手中杖子不曾離

錯認燈籠爲露柱

主中賓德不孤兮必有隣玉殿瓊樓無草蓋

不知誰是帝鄉人

主中主大用現前沒規矩金毛獅子一滴血

迸散驢兒十斛乳

總頌

何門不向此門歸萬燭爐中鐵蒺藜不是山

僧多指注大家惜取兩莖眉

四喝

一喝如金剛寶劍劈面揮時難轉閃不論佛

地九

祖與天魔纔有鐵臺須痛斬

九

一喝如踞地師子古塚野狐逢卽死若是金

毛師子兒展開四足搖雙耳

一喝如探竿影草可中誰了誰不了碧眼胡

兒舉鐵鞭玉門關透長安道

一喝不作一喝用十月黃河連底凍小小狐

首山綱宗偈

兒掉尾行這回不要虛驚恐

郎君拙非拙體瑩如冰雪背挽兔角弓射落天邊月

三玄三要

第一玄釋迦彌勒有何傳人間天上來還去

女兒巧非巧一老一不老騎却水牯牛莫教入荒草

古井茫茫把雪填

第二玄未曾開口在言前電光石火親提得

汾陽三訣

鼻孔依然被我穿

第一訣佛祖曾超越莫話未生前休論心路

第三玄胡孫上樹尾連顛只因掣斷黃金鎖

絕

便把心肝樹上懸

第二訣動靜誰甄別龜毛扇子扇泥牛一點血

第一要了無奇特并玄妙未曾嘗飯肚皮空

九

久不喫茶唇舌燥

十

第二要門外讀書人來報鳥有先生作狀元

雪

子虛聽得呵呵笑

十一

第三要只爲慈悲成落草非我非渠也大奇

甚人同得入俊鷁趕不及打破鳳林關穿靴

蟻螟眼裏山河繞

水上立

與誰同音吼面南看北斗猴愁擾搜頭狗走

抖撒口

作麼同生殺向上一路滑潘閻倒騎驢梵志

翻著襪

甚人同得失判官手裡筆冷水浸冬瓜大家

廝溷酒

那箇同具足如賊入空屋拾得麗水金却是

藍田玉

什麼同徧普蟻暝吞却虎船子下揚州大地

無寸土

何人同真智無是無不是雪峰曾輶毬俱胝

亦豎指

孰與總同參特地口喃喃苦瓠連根苦甜瓜

徹蒂甜

那箇同大事山形柱杖子北人不相鼻南人

油九

土

何物同一質三九二十七年年是好年日日  
不相耳

是好日

黃龍三關

我手何似佛手兩兩三三九九李公醉倒街

頭元是張公喫酒

我脚何似驢腳這裏踏他不著合眼跳過黃

河徧界紅輪爛赫

人人有箇生緣不知誰後誰先趙州八十行

腳謝郎只在漁船

寄高麗檜巖至無極長老

當年自說游高麗近日人傳住檜巖會下不知多少衆前三三與後三三

五冠山上看飛瀑下有寒潭萬丈深見說神

龍吟已久全身入鉢大如鍼

真身舍利無方所東國西天共一家不見彥

陽通度寺神光長繞佛袈裟

聞道江陵有五臺放光石寄一枝來文殊大

士分明現莫道迷雲掃不開

鳴沙灘上試揚鞭無數琵琶自動絃一色玫瑰三百里渾將錦繡裹山川

金剛一萬二千峰遠近高低各不同那箇峰

頭堪著我他年縛屋隱其中

千重暗室萬年冰喚作瑠璃是假名不隔弟兄

兄相見眼扶桑夜半日輪明

和梁山十牛頌

尋牛

天涯海角徧叅尋直入萬重煙嶂深拚得今

朝與明日綠楊堤畔聽鶯吟

騎牛歸家

前坡咫尺是儂家疊疊春山橫暮霞好箇歸來時節子一鉤新月掛簷牙

見跡

亡牛存人

東西南北路頭多踏踏遺蹤可是麼仔細看來無兩箇便從今去莫疑他

見牛

隔牆認角又聞聲雨過前村草正青一對眼睛烏律律通身毛色畫難成

得牛

遼天鼻孔要穿渠直待金繩爛始除向去不須分皂白和泥合水且同居

牧牛

從來一箇不羈身滿眼雲山滿眼塵今日稍能知觸淨肯緣苗稼犯他人

千重雲樹萬重山倒卧橫眠任我閑此景畫  
圖收不得誰言身在畫圖間

人牛俱亡

返身踏破太虛空一處纔通處處通市地普  
天無影跡不知誰解立吾宗

拾九

十三

返本還源

一一根門自有功聞聲見色不盲聾晨昏總

是尋常事睡起三竿海日紅

入鄒垂手

珍御全拋與麼來分明鳥觜與魚腮爛天鑑  
地能奇特盡使勞生眼豁開

十二時頌

子時大地黑漫漫不待重將正眼觀枕子忽  
然拋落地須彌崩倒海枯乾

丑時遠近盡鷄鳴萬想千思睡不成身在世

閒閒不得又穿衣服下階行

寅時那箇是閒人貴賤賢愚總爲身只管喧

眠呼不起奴兒婢子也生嗔

卯時漸見日輪高已向堦前走幾遭鼻孔眼

睛忙似鑽千般不顧是眉毛

辰時未免去烹煎火澀柴生滿竈煙四隻鉢

孟三隻破一雙匙筋不完全

巳時作務也奇哉門戶支持客往來對坐喫  
茶相送出虛空張口笑哈哈

午時赤日正當中五色摩尼耀太空撲碎都  
來無一物依然赤白與青紅

未時樹影過窓西覩面相呈剝地迷從曠劫  
來無間斷今朝何事隔雲泥

申時一日幾光陰早被桑榆暮景侵抖擗精  
神休瞌睡啾啾鳥雀滿園林

酉時紅日下西山草屋柴門及早關幾箇老

烏松頂泊溝裏飛去夜方還

戌時無事莫開門靜卧寥寥四壁昏自有光

明看不見見時生死不能吞

亥時洗脚上牀眠生在閻浮大可憐眠不多

時天又曉未知休歇是何年

廿九

十四

送玄上人禮祖

殊不曾穿玉不磨渾崙句子絕諳訛江西特

地尋靈骨却是無風帀帀波

送道場馨維那

堂裏宣揚十號時陳知尊者亦開眉轉身問  
訊出堂去不覺踏翻瑤席池

送立禪人還七閩

玄沙不度飛萬嶺百億山河拄杖頭子若歸  
鄉須驗看秤鑄到井忽然浮

送遂藏主歸靈隱

從來佛祖碎玄關萬論千經下口難未動舌

頭俱吐露白蓮峰月照人寒

送賢禪人

聖賢有甚麼奇特鼻孔元來搭上唇若起一毫增損見當知不是箇中人

送英禪人

英靈衲子久無聞一句當陽玉石分不把草鞋輕晒却吳山紅樹越山雲

送玄侍者

三十

十五

學道參玄俊衲僧千山萬水一枝藤始終不墮人窠臼他日方堪繼祖燈

送虎邱定藏主

睡虎元來是大蟲翻身跳出草窠中是凡是非俱吞却方見楊岐正脈通

送玉泉昌侍者

布衲赫赤紙衣鮮不寫文殊與普賢抖擻更  
無塵一點肯將淨解汚心田

送虎邱順侍者

白雲飛落劍池傍紙襖新糊玉一方塔影忽  
然顛倒卓爲渠懸筆寫提綱

送問禪行者

鳳凰山下劄一寨舉旗斬將罕逢人饒伊出  
得長蛇陣頂罩燒鍾一萬斤

送徑山志書記

山上鯉魚生一角忽然跨跳上青天俱胝道  
者無尋處却把龍王鼻孔穿

送容禪人

未別便行多少好須將白紙問人求鳳山未  
有工夫答且聽松風舉話頭

送昌禪人

一片寒雲海上橫道人正泛鐵船行夜深珠  
向龍宮出無限光明動地生

送興禪人之天台

秋風剪剪葉飄飄去向天台度石橋一踏便  
須成兩截普通年事在今朝

謝人送炭

晚來燒起滿爐紅潦倒無能一病翁因憶古  
人生意在正當臘月有春風

夜坐

十九  
地爐兀坐燒殘葉童子酣眠喚不醒空盡大  
千無佛祖老蟲翻下夜龕燈

送一禪人

出叢林又入叢林渡水穿雲路轉深誰謂他  
鄉元不隔草鞋步步踏黃金

送日禪人遊南岳

南岳峩峩插太虛道人獨往果何如老猿啼  
在雲深處露滴松梢月上初

送明禪人遊天台

五百聲聞不住山何拘天上與人間只消一  
盞黃茶水供罷依然舊路還

送貢禪人遊南岳

古路迢迢往復回白雲終日冷成堆半千尊  
者無尋處石上幽花帶露開

送宜禪人之姑蘇

洞庭一望水漫漫去路遙隨眼界寬紅蓼白  
蘋秋正好不知誰把釣魚竿

翫月

兔有形兮桂有枝何如光影未生時古今翫

月人無數獨許南泉王老師

七九

十七

送清禪人叅方

雪盡莎根轉舊青幽房宿火響空瓶吳山越  
岫知多少那取工夫到祖庭

聞子規

啼來啼去一聲聲却笑離人不解聽何處故  
鄉歸未得白雲空鎖亂山青

送已禪人

露濕長松曉未乾殷勤送別下層巒前途有  
問山居事但道冬來十月寒

因僧請益五祖演和尚語示之

滿城開盡牡丹花未免逢人撒土沙拈起庭  
前柏樹子趙州門戶隔天涯

寄憲使士敬王公

綉衣直指向東南百郡趨風盡聳瞻長羨昔  
年裴相國解從黃檗句中叅

此事當機覩面提休將祖意問東西相公判

筆丘山重誰謂昇天別有梯

庭消未得五雙十箇不知歸

贈南嶽山禪人

舊結茅菴岳頂居年深且與世人疎曾垂一

道童叅政見訪

隼旛光裏昔曾培人我山高喝使摧記得省

堂重會面禾城又是第三回

祖意明明白草頭長江自古向東流須知此

物非他物坐卧經行免外求

寒夜寄友

欲問平安半字無天寒夜冷坐圍爐因思熊  
耳峰前客謾有青青桂兩株

用韻答國清夢堂和尚

從來眼不見鼻孔東土西乾無祖師八十老  
僧頭雪白蒲團禪板且隨時

天人日日雨霽陁怪爾空生點坐何無夢老

禪憎愛盡新豐曲和莫徭歌

答東山楚材和尚

長空片片雪花飛眼底青山見亦稀最是禪

釣魚船上謝三郎只在蘆花深處藏高枕綠  
釣魚船上謝三郎只在蘆花深處藏高枕綠  
裴歌一曲不知蓬背有嚴霜

因雪示衆

七九

十八

我昔與君叅徑搗罕逢弟子過於師一千七

百浩浩地翻憶太平無事時

鉢盂倒覆四天下拄杖橫吞諸佛師不用腕  
頭些子力放開捏聚總臨時

答妙庵玄首座

十九

飲光不得阿難阨續談聯芳奈老何千里同

風一句子漁人舞棹野人譌

好與法燈三十棒却將公案謗先師幸然寂

照無傳授誰記拈槌豎拂時

答瓊西堂

同叅寄我妙伽阨不問如何與若何白雪陽

春無此曲一回擊節一回歌

題船子夾山圖

勞口一橈天在水離鈎三寸水連天夾山不

解抽身退尚待華亭覆却船

送瓊禪人之天台

洞山云直道本來無一物亦未合得他  
主人手裏秤高低買賣商量總不齊直是無  
人酬價數黃金白璧賤如泥

有僧下九十六轉語末後云設使將來

他亦不受頌云

一路通時路路通誰分南北與西東春風不

管鄉談別到處桃花似舊紅

送傳禪人

傳到無傳是正傳千鈞大法一絲懸當人不

費纖毫力烜赫靈光滿目前

送舜禪人

叅見諸方尊宿來草鞋不枉踏塵埃深村古

院無奇特慚愧高人到一回

送瓊禪人之天台

百煉爐中鑄鐵牛一莖草上現瓊樓豈干拍

手寒山笑誰似渠儂得自由

送因禪人之江西禮祖

百煉爐中鑄鐵牛一莖草上現瓊樓豈干拍

手寒山笑誰似渠儂得自由

送因禪人之江西禮祖

百億須彌鞋袋裏無邊刹土鉢囊中參方若

具參方眼列祖齊教拜下風

送圓禪人

九夏功圓正此時鉢囊花綻一枝枝東西南

北從君去頂後神光幾箇知

送敬禪人參方

九到洞山雙眼碧三登投子兩眉橫家家門

外通霄路莫向古人行處行

拈來拄杖化爲龍吞却乾坤不見蹤有問又  
須向伊道萬年松在祝融峰

送福知客之江西

誰是主人誰是客入門一著已先知馬駒踏

殺人無數只有歸宗眼似眉

送省侍者省母

空花要覓生時蒂陽艷須尋起處波不是出  
家恩愛重夢魂偏在故鄉多

送安禪人往參天童

誰道葫蘆醋不酸衲僧帶眼若爲謾長松一

望二十里脚未跨門先膽寒

送先禪人用蔣山韻

曾在獨龍岡上住寶公刀尺合將來將來呈

似山僧看何故囊藏不肯開

送勤禪人禮白塔栴檀像五臺文殊

紫栴檀把黃金裹喚作如來丈六軀端的要  
知真與妄五臺山頂問文殊

送人禮寶陁十首

大士分明立險關黑風裏面浪中間拚身入  
得翻身出潮到沙頭日上山

重重綠樹垂肩髮片片紅霞覆足裙合掌向

前稱不審大千沙界一時聞

海潑爛銀千萬里山堆濃綠兩三重要知大  
士深相爲聽取朝朝暮暮鐘

恒沙菩薩盡同名唱出一聲千萬聲充却舌

頭啞却口青山盡處白雲橫

有一觀音在面門舒光烜赫照乾坤曉風吹

上盤陀石東望扶桑特地看

觀音頂上戴彌陀心法何曾厭琢磨莫道聖

凡相去遠須知大海本同波

萬種千般在一心寶陁巖上覓觀音直饒兒  
得分明了依舊雲遮紫竹林

上人發足往南方大士眉間已放光記取重  
重相爲處海濤推日上扶桑

五更日上金鎔海萬里朝來雪滾沙一念信

心知是妄普門曾不隔天涯

補陁巖是石頭堆日夜潮聲到兩回莫道觀  
音不曾現山高海濶賺人來

竺堂

西土大仙門戶別古今能有幾人登黃頭碧

佛

主

眼藩籬外入室輸他俊衲僧

鐵壁

千尋峭石勢崔嵬總是純剛打就來碧眼胡

僧觀不破春風日日綉蒼苔

友嚴

最難知是結交心鐵壁銀山百萬尋生死兩

岐俱識破石頭大小盡黃金

寶山

空手入來空手去黃金堆垛玉玲瓏等閑提起一根草萬劫千生用不窮

無住

機輪轉轉見應難盤走珠分珠走盤猶怪盤珠有痕跡暮雲飛盡碧空寒

汝海

楚王城畔水東流未入滄溟不肯休到了何

曾分爾我一般波浪拍天浮

流出胸襟蓋天地小爲一滴大無邊明知不

是他家事只者波濤漲百川

太虛

內外空空無一物山河大地盡包藏踏翻有

大

三

海塵勞息打破乾城劫數長

元庵

三間茅屋從來住百鳥銜花幾度春戶底門頭雖換了依然不改舊時人

大經

釋迦老子口門窄般若華嚴小脫空將謂涅槃包得盡摩訶兩字未開封

大愚

用巧人多用拙稀心如木石太無知就中自有分明處懵懂元來不是癡

無盡

祖祖相傳只這是佛佛授手亦如斯海波乾又須彌碎不見虛空有爛時

定山

屹然常在白雲中不比飛來小小峰幾度毗

嵐翻海岳何曾動著一株松

竹所

香嚴一擊便忘知大地平沈正此時打兩敲  
風千萬箇青青總是歲寒枝

春泉

東風浩浩水潺潺不隔千山與萬山識得根  
源何處起任流花片落人間

梅叟

看到南枝又北枝從教兩鬚白如絲幻華滅  
盡留真實正是青青著子時

無旨

世尊何法可敷揚迦葉從來不覆藏且自裁  
田博飯喫說禪浩浩任諸方

達隱

圓悟方壺深深更深深白雲一色蓋瓊林從來不

七五

五

與時人隔却笑人來海上尋

道林

本因言語顯無言不住中間與兩邊荆棘梅  
檀俱剗却免教枝葉惹風煙

無得

石女腰邊裁兔角鐵牛背上刮龜毛草庵忽  
卸瑠璃瓦古井蓬塵十丈高

道山

無心尚隔一重關險峻方知到頂難試問  
年成底事凍雲深鎖雪漫漫

竺隱

五天居處絕埃塵只見青天不見人畢竟  
身沒蹤跡沒蹤跡處莫藏身

正宗

掀翻海嶽振乾坤南北東西此道尊臨濟德

山無棒喝不知將底付兒孫

謾破籠墮但將泥瓦合虛空

大網

別峰

四海都將一網收不須重下釣鼈釣看他衆  
目分張處無限魚龍在裏頭

峭巍巍地插天青峻壁懸崖有路登莫謂此  
中山勢險前頭更有最高層

翠庭

九

歲寒常愛色青青曾是神光立到明階下任  
堆三尺雪祖師門戶未常扃

三主

有形有相落凡塵無相無形未是真不在範  
圍天地內數聲清磬一闋人

無邪

偏中正與正中偏仔細推來著兩邊和這二  
邊都掃却一輪明月掛中天

大千

一握吹毛凜似霜揮來那箇敢當場與君放  
出其中五百萬魔軍總被降

靈仲

百億須彌方捏碎恒沙世界又搏成藕絲竅  
裏挨紅日一片山河似掌平

拈却虛頭一著子入門不要問西東單單只  
虛明一點從何起只在尋常日用中畢竟難

寶庵

纔舉此心成第二寂然不動也非親須知佛  
法無多子坐斷乾坤日見真

把空拳豎大坐當軒振祖風

天然

昔日丹霞騎聖僧馬師方便爲安名人人具足如斯體不是因緣造作成

鏡堂

鑄出元非百鍊銅照時方信本來空白銀爲

壁黃金瓦試問何人住此中

復初

返本還源一句子恰如混沌未分開明明數一爲千萬千萬重歸一上來

佛曰普照慧辨楚石禪師語錄卷第十五

音釋

蚊無分切音文  
齧人飛蟲也  
鑑都鄧切音墜馬鞍子  
一切音綠  
鷺鳥也  
宮徒聊切音  
音圓混沌元  
氣未分也